

張文忠公文集

三



張文忠公文集卷第六

律詩 五言

我愛雲莊好九首

我愛雲莊好夕煙樹半腰亭高無近矚歲樂有
新謠農糞初開地僮梁已壞橋眼前皆事業何
必立清朝

我愛雲莊好幽深稱隱居許生好山水陶令樂
琴書梨柿風霜後松筠雨露餘徜徉今數載心
賞一如初

我愛雲莊好溪流轉玉虹驚颺荷背白殘照
身紅遠意微茫外真懽放浪中終身能若此甘
作灌園翁

我愛雲莊好依稀孝敬村隣誇蚕就簇奴叱犬
當門流水幽栖谷深衣獨樂園只今誰得此高
興欲雲騫

我愛雲莊好柴門俗客稀行田虫撲帽坐樹蟻
緣衣雲水一銅鏡霜林萬錦機東岡陂故在辭
聘末全非

我愛雲莊好絕無聲利塵林泉清耳目編簡肅
心神种放非樵客見宋名臣言行錄焦先豈野人見三國志



管寧此心幸無屈烏用更求伸

我愛雲莊好衡門晝寂然苔香花覆砌石潤竹
通泉獨處蓬爲室閑遊杖掛錢白頭鄉社裏未
覺愧前賢

我愛雲莊好光風四季兼泉聲聞隔屋花影見
垂簾丘壑閑如傲門庭靜似嚴箇中何限福動
止不須占

我愛雲莊好民風太古淳婦勤絲滿篋兒懶硯
凝塵秦系唐高士張融齊逸人只因踈散久每
每忘冠巾

二五十二

管子類事卷六

二

自訟

忽忽又終日悠悠仍此生道心知有負學術媿
無成丘壑徒留意文章浪得名從今都戛去密
體聖賢情

公退書四知堂壁

邑壯憐才弱官微慮患深韋弦千古意冰蘖一
生心袖有歸來賦囊無暮夜金二年何所得焦
悴雪盈簪

上都道中二首

窮互惟沙漠昔聞今信然行人髮有雪野店竈

無煙白草牛羊地黃雲鷓鴣天故鄉何處是愁
絕晚風前

幽都風土異六月亦冰霜草地寬於海土山低
似墻茹毛民簡古齧雪客荒涼自愧成何事子
然天一方

御河舟中

水路苦多阻扁舟之字行去雲猶雨點來浪自
風聲顛倒驚人影經過問地名胡床拖樓底不
覺負鷗盟

久雨初霽書所寓壁

癡雨歇簷滴頑雲開日華冗垣驚暗笋捨地惜
幽花市隱靜於野客居閑似家故園亦皆寓心
定自無譁

休日郊外

久厭官居苦幽尋到澗阿鶴知松歲月鷗狎海
風波野迥塔孤立嶺高雲半過菟裘良未暇聊
此慰蹉跎

自堂邑移政博平權縣事

吾邑堪箴拙胡爲又此臨四知民過譽三語吏
驚心越俎慚非據操刀愧不任幽懷誰與語風

竹有清音

送宋故文丞相孫章甫上西省都事

之子名臣裔何堪簿領拘盤根知利器滄海見
遺珠河出崑崙遠山餘碣石孤翠紅蓮幙底佳
句未應無

送姚學士

游目當今士獨公文柄操江空孤月白天濶片
雲高班馬知誰配王揚笑爾勞盛名千載後江
漢日滔滔

廉園會飲

倥偬常終歲從容偶此閑霧松遮老醜雪石護
蒼蒼頑池小能容月墻低不礙山殷勤問沙鳥肯
與廁其間

雨後行縣

命駕行農事江天欣晚晴泥塗遲馬足風樹遠
鶯鶯聲川迥水雲活花濃田野明長官非酷吏耆
老不須驚

廉園秋日即事

雲物經秋慘陂塘過雨渾身閑顓簡策意得略
琴尊強聒蟬多事輕離燕寡恩吾詩雖數語喜

欲筆諸門

立秋後五日夜坐有感

老火戢餘烈清商迴舊音一涼天地德
茅心月色垂邊苦秋容鴈外深呼兒理
燭擬從今

過友人村居

信屨荒寒外風煙喜遠迎過橋驚鷺鷥
人行謀野詩多健看山眼倍明嗟余本
日與同盟

辭叅議還家

世味醲於酒着人多醉酣還君霖雨策
雲菴歐負三宜去嵇陳七不堪從今措
意看煙嵐

探春

春洽花猶未雲凝雨尚難政餘仍杖屨路
峯巒野色水分破夕陽鴉叫殘小橋人一
挽過林端

寒食客舍

四序誰移代群芳自白紅淹回憐客子表
春風軒冕形骸外田園夢寐中一杯先隴

擬百川東

齋居春暮

誦罷窺園圃俄驚春事空
狂風花敗北浮流東山益詩人課
巢誇燕子功眼前皆道與八吟翁

遊華鵠村別墅

蟬蛻塵埃外鳴冥水石間
老無囊底智閑中懽簫鼓村村社
丹青步步山三年方得氣動林巒

題任主簿棄官侍親詩卷

我以官爲養君因養棄官雲泥雖許異菽
俱懽戲綵兒群舞稱觴母萬安人生忠與
作兩途看

湖亭小酌

浩浩日中市熙熙湖上春竹能醫俗士
閑人得意紅螺淺忘機白鳥馴勝游休
跣總埃塵

惜鶴十首

鶴仙禽也其風姿高潔非尋常
比然不爲世俗所愛而愛之者

林中入蓋物以氣合理勢然耳余嘗得
其尤者一豢之既以翩躩與人相習日
者爲田姬傷其脛凡病兩月而斃惜哉
因叙其本末作購鶴友鶴病鶴醫鶴挽
鶴招鶴瘞鶴憶鶴夢鶴圍鶴詩十以慰
其不幸云

購鶴

野處幽獨甚千金得令威挾雲出塵網領月到
柴扉縻足防颺去遮庭使學飛自今湖上路樹
石亦光輝

友鶴

雲雨手翻覆紛紛知己誰玄裳真莫逆皓首誓
相期把酒或前舞遊山時後隨會當作人語細
與話瑤池

病鶴

渠本仙家種胡爲久不安強行時塌翼歆立恐
遺丹誰藥相如渴獨憐范叔寒一鳴雖确确猶
自徹雲端

醫鶴

饋藥人空數乘軒氣漸低無心吞餅餌何處覓

刀圭暴日資丹火，杯泉洗羽泥。謾令通臂友，時復過幽棲。

挽鶴

共處人煙外，誰期禍乃身。九臯空有恨，四野欲無春。華表雲應淚，瑤臺月亦塵。當年林處士，泉下定相親。

招鶴

歌徹楚人些，冥冥恨益增。楓林空落月，甲帳只寒燈。仰問天無語，并呼谷謾應。料隨風露氣，飛入亂山層。

瘞鶴

非爲恩惟蓋，從游歲月深。忍令一杯土，埋盡九臯心。致莫攄情素，爲銘表德音。小松栽尺許，悠久庶能尋。

憶鶴

玉立昂藏態，山中我與君。幾年游賞共，一夕死生分。徐步閑窺沼，高飛遠帶雲。爲誰重起舞，倚杖立斜曛。

夢鶴

岫幌燈昏處，依稀見瘦軀。引吭如有訴，側頂不

容呼枕上行雲繞松梢落月孤堪憐
漆園叟漫爲蝶區區

圖鶴

百計無從見明窻吮筆圖研朱染霞頂
屑玉抹雲襦野狀然非似山居亦勝無
却愁風露夜拔宅上天衢

飲城南劉左丞別墅

繚白公山路含暉近水亭青林雙翠堵
紅樹萬娉婷投轄從陳醉沉湘笑屈醒
黃昏休繼燭海月上青冥

山行二首

徐行忘路遠偶爾到山村斷嶺雲通氣
顛崖樹倒根望深增暝色坐久愴吟魂
歲暮求田意悠悠孰與論

一嬾將成性春游尚爾勤花歆知雨力
水皴見風文碧落一明月青山半白雲
却愁從此去塵冗又紛紛

憫農

父子傳衣出夫妻趁熟分未言先欲泣
乍見內如焚徵負敲門急充飢飲水勤
何當天雨粟四

海共懽忻

鑿池

野性喜觀水開池臨小亭雲天雙玉鏡波日萬
金星魚鳥新歡遂江湖舊夢醒風行文自渙三
復聖人經

晚霽

老嬾便幽靜空庭步翠行牽牛上籬落鬪雀下
簷楹斜照慳窻影停雲足野情田園無限樂夫
豈爲逃名

村居春晚

門掩煙霞影閑身自覺榮年符天地數心遂水
雲盟短褐無時事深林有暮鶯清風生几硯老
子又詩成

晨起三首

夜永起常早微吟步繞籬形癯山亦病腰偃樹
尤竒欹月斜明屋稀星冷浸池晏然田器響隣
叟出茅茨

叩戶人求火踰墻犬吠林天疑山外盡雲覺水
邊深耿耿憐身世茫茫慨古今東阡與西陌誰
識暮年心

戀枕嫌多夢開簾曙色迷鶴寒依戶立援餒近
厨啼蹴石泉鳴屋吞煙樹隱堤村居真可喜觸
處是詩題

池上

地僻有餘勝扶筇步繞池鶴欣常自舞魚定恍
如癡野日融春意籬煙動午炊笑呼華與鵲聽
我綽然詩

半山亭獨坐

世路謝奔走雲山隨起居雨晴花窈窕風夕水
紆餘膠漆漁樵我筌蹄筆硯書浮生星火底真

悟者誰與

乙丑山中拜

詔

門外傳呼

詔堂前散盡雲恩榮被林木惶懼到鷗群才拙
踈經濟學荒寡見聞五年凡五聘深愧報無勲
磐石

晚晴盤石上秋與興無垠止水可觀性好山堪
醉人翠金明野景幽獨遠囂塵野鶴忽飛起詩
成應又新

客中寒食

鶯燕與春競綺羅乘夜遊東君何做儻北客獨
淹留蘊藻先坐夢萍蓬故國愁冥冥心語口何
日大刀頭

觀菊

始旦起觀菊滿籬金翠明色嚴霜亦懼香盛世
皆清凜有英雄氣泊無兒女情柴桑與吾土元
自不多爭

半仙亭秋暮

野處宜秋景霜林遠更紅虎溪無俗駕鶴氅有

二十九

雲華類集六

十二

仙風槁葉鏗然下新題偶爾工閑來檢身世頗
覺昔人同

遂閑堂獨坐

踈拙閑宜處豪華老自降瓶梅踈浸玉庭檜密
聯幢猫噉硯池水鶴眠書舍窻村居吾所喜非
擬鹿門龐

冬夜早起

推枕人初起出門星尚存歲寒郊野濶天早樹
林昏窻影猶殘月鷄聲已遠村孜孜何所事時
取故書溫

晨起用諭立之韻就贈

寒碧洲痕淺深青地勢平巖姿呈雅淡樹影碎
空明窻納一天曉人懷千古榮移床高處坐遙
看日東生

早起

謝政身無貴家人恠宿興束枯吹鼎火鑿凍汲
池冰鴉宿聲俱寂鶴寒影欲凝湛然平旦氣自
覺興多增

張文忠公文集卷第六

張文忠公文集卷第七

律詩七言

登泰山

風雲一舉到天關快章平生有此觀萬古齊州
煙九點五更滄海日三竿向來井處方知隘今
後巢居亦覺寬笑拍洪崖詠新作滿空笙鶴下
高寒

過舜祠

時年十七

太古淳風叫不還荒祠每過爲愁顏蒼生有感
歌謠外黃屋無心揖讓間一井尚存當日水九
疑空憶奮時山能令子孝師千古瞽叟元來不
是頑

和田師孟春夕韻

翠鞵紅濡雨霽初一軒深靚稱幽居艷雲流月
天機妙華表撐秋鶴影孤勘破宦途盤谷序躡
開天網漆園書何時奮隱相携去君種山田我
水漁

驛途小憇書田家壁

踈麻浙瀝露藩籬鷄犬花陰白日遲杯飲窪樽
存太古標枝野鹿見今茲荒城路轉山孤聳古

廟墻摧樹半歌我本三生田舍叟買牛賣劍定
何時

直省

是非榮辱日相尋壯歲何堪白髮侵三釜若非
親有命片帆應與世無心天公所靳惟清福交
友難逢是賞音何日超然遂初志溪山佳處恣
登臨

初拜堂邑縣尹

一縣安危任不輕初聞恩命喜愁并徒勞人尔
豈吾意何以報之惟此誠操刃豈容傷美錦循
墻誰敢望高名前賢爲尹規模在他日須期與
抗衡

堂邑遠心亭飲歸

小雨林梢生暮寒野亭朋酒暫盤桓弄花始見
春風巧作牧方知政事難吉網羅鉗非我志堯
年舜日儘民權他時考績甘書下自有知音後
世看

登憫忠閣

一閣渾疑鬼構成倚欄天外壯心驚河山都向
掌中見雲霧忽從胸次生死戰一時皆朽骨憫

忠千古定虛名只今兵畏臯比了留與殘僧樂
盛平

飲平則門外崔氏別墅

十年夢斷鑑湖春彷彿中郎賴虎賁珮解瓊瑰
愁漢女機閑雲錦失天孫日光亂軋波光碎野
色遙連樹色昏愛殺主人清且古相邀石上共
窪樽

遊香山

常恐塵紛汨寸心好山時復一登臨長風將月
出滄海老栢與雲藏太陰寶刹千間窮土木殘
碑一片失遼金丹崖不用題名姓俯仰人間又
古今

元日朝賀

綿蕤區區笑叔孫

聖元相萬漢君臣鳳龍齊舞雲間樂虎象爭輸
海外珍仙仗分開丹禁曉朝班浮動翠華春與
天同大惟

王者今日方知此語真

挽劉夢吉先生

白髮山林僅四旬兩朝不肯屈經綸才名暗折

世間壽氣節偉高天下人康節縱吟無限樂希
夷高卧有餘春一生懷抱誰能識他日休猜作
逸民

過中都

三月龍沙春未知雪山環野玉參差半空蜃氣
雲間闕一路驪珠馬上詩豐沛漢皇湯沐邑豳
岐周室治平基我來歷覽開天處億萬斯年理
固宜

同元復初飲許仲文別墅

曉日樓臺海市仙春風歌吹酒家天五雲分彩
來瓊島兩鶴聯飛下玉田流水故將塵隔斷好
花都被雨開全人生佳處無何國鍾鼎山林恐
未然

過顏魯公廟

李唐不紀相非夫竟遣忠良與禍俱抗虜一身
皆是膽留名千古不因書極知老境桑榆近爭
忍清朝社稷孤下馬荒祠訪遺躅北風吹樹渺
愁余

題康信夫宅湖石

翠竇寒生太古苔乾坤元氣此胚胎一峯雷震

崑崙裂七竅神剗混沌開呼丈便宜床下拜和
雲誰負座間來不須更作山林計已覺高情隘
九垓

上都察院

栢臺人散坐堆椽默記灤江四徃迴髮爲鬢冠
容易雪心因蝸角等閑灰慚無元素迴天策空
負坡仙酌月杯兩處飄零家萬里亂山遮斷白
雲堆

送范德機赴海北道憲司知事

金薤銀鈎兩絕竒才華江右捨君誰一官毛義
榮親日千里呂安懷友時叫斷霜天鴻鴈瘦吟
殘山月鳳鸞飢從今夜夜江湖夢說似楊花未
必知

秋日梨花

雪香吹盡樹頭春誰遣西風爲返魂月影已非
前日夢雨容獨帶舊時痕只知秋色千林老爭
信陽和一脉存莫訝般韓太多事仙家元不計
寒暄

九日

一行作吏廢懽游九日登臨擬盡酬詩有少陵

難着語菊無元亮不成秋雲山自笑頭將鶴人
海誰知我亦鷗幸遇佳辰莫辭醉浮雲今古劇
悠悠

大雨

不用風雪雷
霆江海等字

六合乾坤一太陰仰觀毛髮爲蕭森排空疑有
鬼爭戰對面不聞人語音元氣只愁今日竭桑
田更比向來深須臾林抄標新霽一抹斜陽濕
欲沉

寒食游廉園

湖天過雨澹春容輦路迢迢失軟紅花柳巧爲

二〇五十一

雲莊類藁七

六

鶯燕地管絃遙迤綺羅風群仙出沒空明裏千
古銷沉感慨中免俗未能君莫笑賞心吾亦與
人同

留別元復初

臺閣聯飛二十年臨岐欲別重悽然人言廉閣
才相軋誰信陳雷志愈堅古井不妨風浩蕩浮
雲何損月嬋娟江湖秋淨多來鴈莫惜平安到
瘴煙

中都道中

細草和煙展翠茵雜花勻簇道傍春鳴禽曠野

棲無樹破屋荒山住有人露濕弊袍寒襯月風
飡行鉢暗凝塵去年閩海今沙漠羸得霜華鏡
裏新

客中除夕

野性堯堯不耐官強顏塵土步邯鄲移文久爲
雲山笑捧檄聊供菽水懽香返梅魂春一朶愁
叢燈影夜千端古人事業余何有羞見茅齋歲
又闌

早春郊外

去歲春光蝶夢空今年邂逅又東風岸冰欲泮
猶衷甲汀草將抽尚鞠躬一氣未嘗停晝夜百
花何處認青紅新詩亦在氤氳裏說與當年太
極翁

春日水邊

袖拂煙霞坐釣磯登臨終日澹忘歸鶴嫌客俗
穿雲去燕喜春陰掠地飛樓外長江流世事兩
邊殘照媚林霏一閑久與時情遠尚賴東風不
我違

城樓晚眺

禹迹茫茫畫九州斜陽古意滿林丘嘯呼風月

來詩卷醉挽山河入酒甌華髮半簪天與老丹
楓兩岸水分秋逢人莫話功名事且道甘心落
魄休

秋夜枕上

繞屋江聲風夜呼一燈搖影客窗虛俗緣去盡
尚懷土習氣未除猶嗜書今古等爲浮世夢林
泉空憶故山居何時真遂平生志野鶴孤雲縱
所如

寄歷下諸君

張飲東秦記昔年衣冠傾倒漢文園禮忘賓主
觥籌亂聲攪弦歌笑語喧世路勞形真左計人
生行樂是名言舊游回首何時復腸斷春風灤
水源

過東方朔廟

先生高識絕書時誰道偷桃舊小兒揖讓不逢
三代盛滑稽聊免一身危草荒漢構雲承宇苔
蝕顏書雨澁碑我亦從來惡苛禮斜陽遙望酌
空卮

直省

微風吹雨濕層陰寂寂長廊靜足音怒虎九關

天日遠冥鴻一線海雲深求田素有陳登志作
吏初非叔夜心說與飢鳶休嚇我掉頭巢父政
長吟

題廉野雲城南別墅

鍾鼎山林果孰優羨公騎鶴上揚州田園獨占
人間勝懷抱尚餘天下憂堂公欲徵樂好為習池
留故事未應綠野美前脩半生乾沒塵埃底羞
向滄浪照白頭

留別鄉里諸友

粉署嚼香十許年故鄉重到重留連子牟恋闕
心空赤江總還家鬢尚玄金縷歌殘華鵲月蘭
舟搖碎灤湖煙一襟離恨東州路莫訝羸驂不
肯前

承宣堂早衙

桴鼓無聲獄市清南風吹綠滿槐廳要囚服念
五六月華髮又添三四莖胥史抱書趨鴈鷺牙
兵持挺趾階庭職微尚恐才難稱敢効龐公醉
不醒

興和道中

底事勞勞形與神道途鞍馬動經旬煙橫絕澗

疑無地風響深林似有人早發舉鞭揮霧露夜
行翹首認星辰何時却逐桑榆晚愛殺坡仙此
語真

齋居春暮

漂泊東君底處家落紅風捲赤城霞半窻春夢
子規月滿院客愁楊柳花世事悠悠惟欠酒棠
陰密密欲藏鴉韶光九十須臾頃不是劉郎鬢
易華

中都雷家站枕上

紅塵湏洞路間關又見東風馬首還報國丹心
炳星日壓頭白髮重丘山休疑捧檄毛生喜莫
羨歸田靖節閑說與春知亦絕倒論人不在去
留間

送趙道士出祠南岳

閬苑仙人雲錦裳天風絳節恣徜徉紫簫吹月
山靈舞寶劔飛空海若藏靈隱依然存故我勝
游聊爾歷遐荒三生我亦煙霞客追逐無從鬢
欲霜

雪後過張秋泉盆花盛開索詩爲賦

道人冥坐養黃芽百順熏烝到物華風暗玉塵

門外雪春明銀燭座間花潛移造化韓湘子高
蹈塵埃蔡少霞却笑三郎無伎倆謾令羯鼓不
停過

郊原清曉

清曉郊原望翠微隱如波浪與雲齊老夫栗里
懷方切浮世槐安夢政迷白雪糝平鵝鶴浦黃
雲翻動稻梁畦昨宵恠有維魚兆釣艇相啣水
滿溪

京師除夕

旅食京華歲又殘悠悠身世去留難身能安分

二七四五

雲莊類集卷七

十一

賢於隱子肯讀書貴似官潦倒乾坤雙鬢禿淒
涼今古一燈寒明朝五十爲頭數且盡椒盤此
夜懽

李漑之還山隱居

厭直承明拂袖東此懷未易語諸公高情野鶴
雲霄外往事醯鷄瓮盎中八表謫仙鯨海月一
襟高士虎溪風黑頭莫訝歸來早政要山林伴
退翁

過沛縣高祖廟

天厭秦竒欲世蘇赤龍從此入西都五年諸國

破迎刃四海一朝安覆盂山峙尚疑神劍在雲
飛猶與大風俱不知萬歲千秋後魂魄端能到
此無

登徐州項王戲馬臺

咄彼重瞳太計疎欲憑扛鼎帝堪輿鴻門老叟
無竒策烏岸漁人有遠圖佇目河山空錦繡傷
心劉項總丘墟經過莫笑書生懦我亦毫端敵
萬夫

過錢唐

天上鈞天杳莫攀繁華移在武林間樓臺萬井
蔽虧日煙水四圍搖撼山花草故宮春一夢江
湖游子鬢雙斑此心只恐移聲色舟促篙師半
夜還

游西湖

一片樓臺四面山玻瓈搖碎錦爛斑畫舫載酒
來天上寶月和雲落世間千古風煙留客醉幾
時魚鳥伴余閑乃知西子真尤物竟日令人不
欲還

遊靈隱寺

每憐無地蛻塵緣今向空門見性天一路密松

山左右半空飛瀑寺傍前馴猿就手取新菓老
衲鞠躬參舊禪歸去不妨燈火晚與君同看萬
家蓮

建寧道中

行盡溪山得市廛橋樓深入路綿延商帆腥帶
諸蕃雨天宇昏連百粵煙言語不通剛作字道
途良苦且停鞭老兵來報肩輿穩使我愀然愧
昔賢不敢以人代
畜半山事

興化道中

駭目樟榕樹半天雄陰翠壓道途邊滿城香火
二百五十二
實莊類書七
十三
民風鬼到處樓臺海市仙驛舍遠因山曲折僧
居喧爲水潺湲有時點檢奚奴錦盡覺新詩帶
瘴煙

福州

聞說東南秀所鍾此行處處覺詩工飛來天上
三山島驚倒人間百歲翁荔子種成唐室禍蘆
花飄滿越王宮斜陽無限興亡恨何事煙波尚
尔東

泉州

萬里飄零兩鬢華瘴煙爲屋海爲家山無高下

皆行水樹不秋冬盡放花得句珠還合浦月亂
懷杯吸赤城霞蓬萊咫尺無由到慚愧當年犯
斗槎

寄李道復平章

文武才全每許君逢時談笑建奇勲世稱李道
爲賢相帝重嚴陵是故人滄海兩扶新日月青
天一掃舊煙雲盛名自古多難處好及明時乞
此身

過髮冠仙姑隱所

抗塵自覺道無緣何幸容參杖屨前春色九天
歸絳節喬雲一朵冠華顛馳神夜宴西王母御
氣時尋姑射仙四海異人今日見此行萬里不
徒然

貢院試筆

斯道寥寥百許年天開文運到吾

元鑑衡別物寧容意桃李成蹊不待言下筆園
林驚落葉得人麟鳳瑞中原潛心爲向朱衣道
莫使劉蕢李豸冤

詔五十以上未第者賜出身有差

吾皇仁聖邁勲華重爲斯文掩類瑕漢苑有林

皆桂樹禹門無浪不桃花殊恩遠紹千餘載和
氣傍延百萬家比屋可封今起本懽餘不覺淚
橫斜

直省時爲左司都事

翠廕長廊樹影深塵喧收盡鳥遺音古今吾道
窮途恨日夜家山故國心花簇鳳池春欲合雲
連仙島晝常陰書生習氣真堪笑簿領如山尚
苦吟

辭叅議還家

平昔微官本爲親歸來一意奉常珍都將丹漏
門前曉辦作斑衣膝下春忠孝誰云難遂意始
終今喜得全身呼兒爲我脩園圃從此無心走
世塵

挽元復初

韓孟雲龍上下從豈期神物去無蹤知君本自
雄才刃顧我安能直箭鋒一死一生空世隔三
熏三沐爲誰容平生碑版天留在不朽何須藉
景鍾

黃州道中

濯足常思萬里流幾年塵迹意悠悠閑雲一片

不成雨黃葉滿城都是秋落日斷鳴天外路西
風長笛水邊樓夢迴已悟人閒世猶向邯鄲話
舊游

登會波樓

何處登臨思不窮城樓高倚半天風鳥飛雲錦
千層外人在丹青萬幅中景物相誇春亘野古
今皆夢水連空濃粧淡抹坡仙句獨許西湖恐
未公

遊華不注

蒼煙萬頃插孤岑未許君山冠古今翠刃剗雲
天倚劔白頭歸第日揮金攀援直欲窮危頂歌
舞休教阻盛心星月滿湖歸路晚不妨吟棹碎
清陰

同鄉友宴會波樓

久處紅塵眼倦開飄然今喜到蓬萊春風碧水
雙鷗沒落日青山萬馬來柳外行舟喧鼓吹途
中過客指樓臺一時入境俱相稱却恐新詩未
易裁

張文忠公文集卷第七

張文忠公文集卷第八

律詩七言

登歷下亭

童年嘗記此游遨，邂逅重來感二毛。
翠繞軒窗山陸續，玉縈城郭水同遭。
風煙誰道江南好，人物都傳海右高。
怪底登臨詩興淺，鵲華曾見謫仙豪。

飲城東劉氏園亭

昨日餘醒尚未醒，玉溪絲竹又尋盟。
爛遊償我從前債，沉醉由他已後名。
兩點殘紅花意動，風敲踈翠竹陰清。
閑來吟嘯無虛日，未覺歸田負此生。

秋夜露坐觀月

亂雲風靡散縱橫，老子胡床對月明。
六合透光天一鏡，萬家生白夜三更。
露從丹桂香邊滴，詩在瑤臺影裏成。
安得騎鯨上窳廓，細將摩撫看虧盈。

哭張澹菴平章

平生許國膽，困輪諤諤危言不顧身。
人道龍逢非俊物，我知汲黯是忠臣。
轅駒仗馬寧無愧，縛

虎擒蛟似有神故劍年來漸零落計聞不覺淚沾巾

釣突泉

繞欄驚視重徘徊流水緣何自作堆三尺不消平地雪四時常吼半空雷深通滄海愁波盡怒撼秋風恐岸摧每過塵懷爲瀟灑斜陽欲沒未能回

秋郊晚眺二首

六鑿相攘久失平歸來方覺此心清湖山日與軒窗對猿鶴時隨杖履行隴上黃雲秋有望鏡中曰雪晚無成衰翁本自踈經濟誤得徵君一世名

寒在類書六

二

恐富求歸王晉平千年心迹喜雙清天低似隔地形斷山暗欲隨雲氣行塵外景因人更勝閑中懶與慢相成韓康只道潛身了已被時人識姓名宋王秀之爲晉平太守期年求還人問其故曰此郡沃壤珍阜日王人所昧者財財生則禍逐智者不昧財亦不禍逐吾山資已足豈宜久留以妨賢路見本傳

翠陰亭獨坐寄莫俊德經歷

抗俗支塵力不任故園歸卧遂初心近山障霧還疑遠淺水涵天却訝深有幸鷗盟君與我無

情鶴髮古猶今年來酷愛香山老都把悠悠付
醉吟

寄省叅議王繼學諸友自和十首

曩昔塵奔爲悅親而今雲卧復天真山林充隱
當容我館閣求賢豈乏人噩夢久隨風散曙衰
容難與物爭春綽然煙景無窮在莫怪沙鷗不

易馴

身與功名果孰親萬鍾何似一瓢真若教宇宙
無難事未必山林有退人遺語五千方外教行
窩十二洛中春老懷久矣忘機巧猿鶴欣欣燕

雀馴

筆硯琴書素所親利名常恐汨吾真客類惟以
病辭酒景勝却愁詩迫人斷岸樹連衣帶水好
山天展畫圖春卜隣自得孫期氏犢俗年來喜

漸馴

后漢孫期德化
一方見本傳

木密垂枝手可親
媿隅羅勒味尤真
詩情滄海騎鯨客
世故青樓擲鼠人
子列庭樹有陰僧
結夏野花無語女
懷春清風一榻茅
簷底六賊三尸

犬許馴

媿隅見郝隆與
桓溫詩出世說

厥初吾與物俱親
漸喜年來喻道真
心至草間

石作虎魂離山上樹疑人息機反照三緘口變
燧回星幾過春從到綽然亭子上韓家五鬼亦
俱馴

好爵於余豈不親思之爛熟見之真惟知徇貨
攫金客不可越鄉懷璧人莊叟濠梁魚自樂濂
溪精舍草仍春一琴一榻書千卷明哲他年庶
致馴

密邇雲山欲我親高情未覺減玄真不求天下
號奇士但願里中稱善人無事舉杯澆邃古對
花和露折香春一生志義伸無屈羨殺當年漢

召馴

芩箸襪植日相親彷彿躬耕鄭子真晚節中塗
九十里野航古渡兩三人愛園山水王摩詰懶
謁公侯并大春

見後漢
冊傳

豪氣平生六軍血消磨

今似女郎馴

鹿豕同遊木石親家山歸卧偽耶真情知五袞
縣輿客肯作千金鬻第人往事回頭皆噩夢故
園投足總陽春麒麟掣斷黃金鎖爲問群仙孰
可馴

諸貴葭莩茂有親卅年孤苦幸全真膠航朽纜

安能海濼几匡牀極可人黃妳肉忘三月味華
胥境納八荒春刀圭自入談天口百恠千魔一
向馴

山中拜除自和十首

深山傳

詔自天來萬壑雲隨喜氣開仰報賜環元有志
俯思奪錦柰無才鴈鴻聲斷冥霄漢麋鹿魂驚
翳草萊

君聖臣賢太平日不妨重占釣魚臺

角巾憶昨故鄉來黃菊西風六見開道在去留

三十一

雲華類集卷八

五

從物議俗殊通介豈吾才飛昇未信海無藥陶
寫且歌山有萊衰老於何息形影梅邊亭榭竹
邊臺

牕下孔賓歸去來春隨三十六宮開虛言徒使
燕人淚孫實用休爭楚國才左世外此心無芥
蒂海中何物是蓬萊漫郎耳順宜知止詎敢重
塵視草臺

快喚青州從事來浮生能幾笑顏開吹殘池錦
風無狀洗出山屏雨有才以別故人驚夢薤倦
游老子遂煙萊少陵鬢影今如許誰更狂歌上

吹臺

禍福循環互往來
幾人蹴踏鬼門開
劉伶度世醉還醉
莊叟處身才不才
甘雨安能限苗稼
春風未信略蒿萊
冥思亘古真堪笑
賢否均歸一

化臺

見唐姚鼎傳

雲送沙頭屬玉來
風吹亭下水芝開
須知問舍求田叟
那有經天緯地才
我喜捲金巢飲樹
誰期食采國封萊
若將吟醉論功賞
老子宜專郭隗臺

捲簾風與月俱來
滿地瓊瑤掃不開
赤壁磯頭

雲莊類稿卷八

六

皆酒興輞川圖上盡
詩才天教踈散全山木
誰

說英豪死野菜

見唐魏元忠薦王義方事

一笑煙雲生脚底

只疑身到紫微臺

北岳恒山一名紫微臺見李思聰淵集

庭空有鳥去還來
天遠碧雲合又開
玉井睡仙今古夢
錦囊詞客鬼神才
琴書有味隨鳥几
徑路無媒滿翠萊
趺坐遂閑香一炷
何人走馬過

章臺

別墅有堂曰遂閑

不速三人自遠來
雲莊莊上政花開
獨憐山似營丘盡
共訝河如孝伯才
魏如何注見愛惜鴛鴦
休打鴨扶持黍稷必
芟萊高眠何敢輕軒冕

直恐時人謗辱臺

見庸子景讓傳

文季休歌子夜來淵明自折筵
醅開舉觴月與春挑戰得句人
驚天假才尚友誰能追北海尋
真吾欲候東萊

見漢武求仙事

何時晤對安心竟拂落

菱花不用臺

雲莊遣興自和十首

投閑自笑未能閑猶有微營方寸間
亂撥浮萍嫌蓋水稀栽垂柳恐遮山
萬金難買田園福一醉從教鬢髮斑
脫帽解衣磐石上和雲坐看鳥飛還

雲莊類集八

七

伊誰知我此時閑笑領白雲入座間
號國門前何少我元龍樓上儘多山
向來矛戟蝸雙角此去琴書豹一斑
可是綽然風景好斜陽吟落不知還

飛黃幸爾出天閑自在忘機草野間
田種有時渾藉水村居無處不宜山
半簷殘照餘金彩一徑雜花亂錦斑
三十餘年星火底豈惟倦鳥解知還

中年才過即歸閑好在河汾屋數間
病裏檢書多爲藥老來忘世不因山
翠翻平野和抽穎錦

委深林筍脫斑莫恨韶光太相促若非衰暮詎能還

非是幽人酷愛閑無窮佳思水雲間兒要去鶴斜趨徑僮覓亡羊直越山坐喜簷牙搖竹影行嫌屐齒破苔斑杜陵棗熟從人打快喚王陽去婦還

鷄犬衡門竟日閑挾書移榻坐花間淡無情緒煙中柳暴有精神兩後山便可躡雲尋李愿莫教看日去劉班見宋劉湛事文帝事忘機却是長生訣何必滄溟訪大還

歸來心迹兩俱閑日日春生几桉間有土不多唯種秫無人可語只觀山隔牕竹韻風敲玉匣砌苔痕兩漬斑說與王生莫相誚從今老犬不

家還

見宋王僧達譏何尚之復起事

故園輪指六年閑盡委身心筆硯間人世虛如盧客夢野雲竒似郭熙山羲經自契先天妙幾鼎猶存太古斑圖史滿前琴掛壁恍疑太素爲余還

半世求閑始得閑醯鷄飛去瓮中間盆池遊戲均滄海塊石達觀即大山對酒便當烹郭索傷

人且莫話黃斑虎也見隋書風煙滿目歸來好物我
從今付八還

人云五十未宜閑我道彭錢亦夢間五斗折腰
慚作縣一生開口愛談山荒村未暮門先掩老
樹才秋葉已斑只恐溪翁厭喧聒隔林遙喚野
猿還

綽然亭落成自和十首

莫疑五十便懸車要讀從前未讀書野鶴孤雲
天曠蕩嶺猿明月樹蕭疎南柯國裏春無幾西
塞山邊景有餘半世紅塵今得此不妨造物巧

乘除

地僻門無長者車身閑不遺子公書群山侑坐
人堪醉萬事忘懷世自踈碧玉灩池新雨後綠
雲滃徑落花餘憑誰喚起濂溪老聽說窻前草
不除

款段閑身下澤車少游此語可紳書園花撥亂
嫌春冗窻竹芟煩愛月踈只把酒償前日欠未
應詩出古人餘東阡南陌時來往平昔私憂已
盡除

淺學金銀不識車况能憑几口占書見漢陳一

枝守分固才拙三事力辭非計踈檢陵仲子不就三公爲人灌園

稚子養鷄爲鶴伴田翁飼犢與蚕餘從今蓮社

從教醉百歲浮生大半除

鳩籐鳧鳥代安車踏碎沙頭鳥迹書漁父放舟

迷遠近達人觀竹略親踈水紋即是風蹤跡雲

影無非雨緒餘莫笑太玄終寂寞平章花月幾

新除

張弘休驚鬼一車吞文今悟夢中書清閑豈敢

班九老燕樂未應慚二踈禪榻鬢絲衰暮際賓

筵塵尾笑談餘人間晦朔無心問誰更新詩體

建除

門外紅塵幾覆車閑愁元不到琴書天何負物

物天負我不踈山山我踈歲月推移身有限乾

坤呈露景無餘只因田里堪容拙豪氣而今尚

未除

緩步休乘八陣車晉馬隆依八陣圖作偏箱車見本傳高眠不草

萬言書但教眼底青山在誰問頭邊白髮踈悟

道未能曾一唯積功且盡董三餘魏董遇勸學

書古人儻使今留在甘向門墻事掃除

山林六柱使星車慚愧功無一可書空使時人

許高尚那知學術本空疎任真更在嵇康右
屈志誰餐穆壽餘壽後魏人封宜都王待愛殺田諸父兄如奴隸見本傳家風景好杯盤妻子坐庭除

僮挾琴樽子御車丹崖到處總堪書白雲有志
尋華表黃閣無心恋綺疎鼓舌爲名憐季子舍
身逐利笑陳餘自從投紱歸來後荆棘胸中有
剪除

田居自和十首

萍蓬一世百無功轉首俄成六十翁往事鏗舟
求墜劍虛名影竿悟懸弓展開明月清溪闊吹
斷香風錦樹空託意尊壚歸故里始知張翰是
英雄

芟藁山堆畢歲功殷勤不負荷鋤翁荒村人靜
泉鳴佩遠漢雲高月掛弓鼎鑊江湖魚苦樂枕
幃園圃蝶虛空躬耕谷口君休笑自是沉冥一
世雄

自愧明時無寸功歸來甘作富家翁廉頗身老
遺三矢陶令田荒不數弓且喜休休閑度日何
須咄咄恠書空半牕風月山房夜卧聽松聲萬
壑雄

幽居文史有新功豈止名成田舍翁六載身閑
驚迅弩百年誰謂挽強弓搗殘斜照春聲急搖
碎浮雲水影空歲晚茗溪恣吟嘯不妨長作布
衣雄

新花結子樹成功舊筍添孫竹亦翁魚泳波心
深避餌鴻飛天外遠防弓鳴琴欲使衆山響宋文

宗善琴書好游凡所歷山皆圖於壁嘗詠景須
曰鳴琴動操欲令衆山皆響見本傳

令萬象空彈壓鶯鶯花戰風月未應韜略下韓雄

后周名將

桔槔抽水有餘功抱瓮區區愧老翁游女執筐

雲莊類書卷八

一二

行采芑嘉賓舉爵賦彤弓溪流隔斷塵千丈雲

氣遮殘樹半空落日昏鴉成一笑紛紛誰解辨

此雄

風虎雲龍百戰功祗堪供笑綠萋翁但能目識

一丁字見唐書張儘勝身彎兩石弓常愛德容

行讓步每憐平叔坐談空漫郎非好居田里只

爲人稀易長雄漢鮑宣居長黨以地宜田

閑來無過亦無功放浪山林一贅翁枕石醉眠

松作蓋題詩竒中筆爲弓年隨流水歸青鏡心

與閑雲澹碧空蝸角區區渾幾許寄聲蠻觸莫

爭雄

稼穡無非雨露功農家分喜到詩翁勞心漫刻
七年楮貽戚空成九載弓山展野屏隨地遠風
揮天帚掃雲空綽然到處皆佳景安得毫端句
不雄七年前楮見列子九載修弓見淮南子

政使遭逢有底功何如只作采芝翁恥迎督郵

戕軒冕

后漢馮良為迎督郵毀裂衣冠壞車殺馬見本傳

羞拜梁奴斬

馬弓

后魏乙速孤佛保為漢中都督梁奴來冠慮不敵斬馬與弓自刎

涉世始

知官至苦對花方悟色真空高眠忽聽陂塘雨

一片荷聲特地雄

同諭仁本登標山

香風吹袂落巖花步盡紅雲景益佳龍虎郊原
山障日鳳麟洲渚水明霞藍田有玉常春色石
室無人謾歲華從此風煙添勝槩老夫絕壁醉
揮鴉

張文忠公文集卷第八



